

ქალთა ჩართულობა 2017 წლის არჩევნებზე

ფასი 50 თეთრი

№26

16 - 23 ოქტომბერი

2017 წელი

გამოდის სამშაბათობით

**მაკა
ჯინჯოლია:
„კოლიტიკაში
მოვლივარ
სუფთა
ისტორიით,....**

33. 3

**აკოლონ
ბარუჩავა:
„გამგებულს
პრეზიდენტზე
მეტი უფლება
აქვს თავის
გამგებობაში,....**

33. 3

**მეროპის
კანდიდატები
მოქალაქეთა მიერ
დასმულ კითხვებს
პასუხობენ**

33. 4

**გაზეთი საარჩევნო
რეკლამისთვის
გვირდებს დაუთმობს
თვითმმართველობის
არჩევნებში
მონაწილე პარტიებსა
და მათორიზარ
კანდიდატებს.
დაგვიკავშირდით:
ქ. ფოთი, 26 მაისის № 7
ტელ: (0493) 22 25 81, 599 34 14 17
განათავსეთ
რეკლამა
რვაენთან!!!**

ფოთში ოპოზიციონერი პარტიის წარმომადგენლები სივხში არარსებული ქუჩების გაშორებას აკროტესტებენ



ინგა გვასალია
ფოთი

ფოთის ოპოზიციური პარტიები ამომრჩეველთა სივხს აკროტიკებენ და ამტკიცებენ, რომ სივხს, მრავალჯერადი მცდელობის მიუხედავად, არასრულყოფილია, „მკედარი სულელები“ კი არჩევნებში ისევ „მონაწილეობენ“. სივხს დაზუსტების ვადა უკვე ამოიწურა. „ხელისუფლება „ნაციონალურ მოძრაობასთან“ ერთად წინასწარ შემუშავებული სქემის მიხედვით არჩევნების გასაყალბებლად ემზადება“ — აღნიშნა ჩვენთან საუბრისას „საქართველოს პატრიოტთა ალიანსი“-ს ფოთის საარჩევნო შტაბის ხელმძღვანელმა მამუკა გობეჩიამ. გობეჩიას ამის თქმის შესაძლებლობას არსებულ ამომრჩეველთა სივხს აძლევს. როგორც მან გა-

ნაცხადა ამომრჩეველთა სივხს ისეთი ქუჩები და შენობებია შეყვანილი, რომლებიც საერთოდ არ არსებობს. ასევე რამდენიმე ქუჩა არასწორადაა მიბმული საარჩევნო უბნებს. როგორც გობეჩია ამბობს „საქართველოს პატრიოტთა ალიანსი“-ს ფოთის საარჩევნო შტაბი გააგრძელებს მონიტორინგს, შეისწავლის თითოეული ქუჩის მიხედვით ამომრჩეველთა სივხს და დარღვევის აღმოჩენის შემთხვევაში მოითხოვს იუსტიციის მინისტრის გადადგომას და 70-ე საოლქო საარჩევნო კომისიის დაშლას. იგივე პრობლემაზე ამხვილებს ყურადღებას „შენების მოძრაობის“ პარტიული სივხს პირველი ნომერი იაგორ თავართქილაძე: „ჩვენი პარტიაც

დასასრული 2-33.

**ტურისტებისთვის
ფოთი
მიზიდველი
ხდება**

33. 6

**ლაშა კუჭავა:
„საუბნო საარჩევნო
კომისიის
თავმჯდომარე
დითირაებს უბალობს
„ქართულ ოცნებას,....**

33. 6

ქალთა ჩართულობა 2017 წლის არჩევნებზე

ივანა ავაქიანი ხოზი

ბოლო წლებში მიღწეული პროგრესის მიუხედავად, ქალთა ჩართულობა პოლიტიკაში კვლავ მცირეა. ფოთში, გასულ წლებთან შედარებით,

2017 წლის თვითმართველობის არჩევნებში ქალ პოლიტიკოსთა ჩართულობა უპრეცედენტოა. შეიძლება მერობის კანდიდატიდან სამი ქალია.

ქალი კანდიდატის გამარჯვების შემთხვევაში, 1975 წლის შემდეგ, პირველი შემთხვევა იქნება, როდესაც ქალი, ქალაქის მართველობას წაუდგება სათავეში.

გასული არჩევნების ქრონოლოგიას თუ გადავხედავთ, 2014 წლის თვითმართველობის არჩევნებში 8 მაჟორიტარობის კანდიდატი და ერთი მერობის კანდიდატი იყო, რომელმაც რეგისტრაციიდან, რამდენიმე დღეში მოხსნა კანდიდატურა. მართალია, მაჟორიტარობის რაოდენობა არც 2017 წლის არჩევნებისთვის შეცვლილა და ის, კვლავ 8 ქალია, მაგრამ ფინანსურმა დაინტერესებამ, პროპორციულ სიაში ქალთა რაოდენობა საგრძნობლად გაზარდა.

ფოთში პროპორციული წესით რეგისტრირებული - 182 კანდიდატიდან -72 ქალია, მაჟორიტარული წესით კი, 53 კანდიდატიდან მხოლოდ 8 ქალია.

არჩევნებში ჩართული პარტიებიდან მაჟორიტარულ ოლქში, თითქმის ყველა პარტიამ წარადგინა ქალი კანდიდატები, გამონაკლისი „შენების პარტია“ აღმოჩნდა, რომელსაც ქალი კანდიდატი არც მაჟორიტარულ ოლქში ყავთ და არც პროპორციულ სიაში. ამ მხრივ, საუკეთესო მაჩვენებელი „საქართველოს პატრიოტთა ალიანსსა“ და „მალვა ნათელაშვილი-საქართველოს ლეიბოლისტთა კავშირს“ აქვს, რომელსაც პროპორციულ სიაში 5-5 კანდიდატი ყავს. „საქართველოს პატრიოტთა ალიანსს“, მერობის კანდიდატიც ქალი ყავს. „საქართველო უგულავა-ვეროპული საქართველოს“, „დემოკრატიული ლორთქიფანიძე“ კახა კუკავა-დემოკრატიული მოძრაობა-თავისუფალი საქართველოს“, „ერთიანი ნაციონალური მოძრაობის“ და „თავისუფლება-ზვიად გამსახურდიას გზას“ სიის ათეულში 4-4 კანდიდატი ყავთ. მართველი პარტია მხოლოდ 2 კანდიდატით შემოიფარგლა.

2017 წლის 25 სექტემბრის ცესკოს მონაცემებით, მთელი საქართველოს მასშტაბით რეგისტრირებულია 53.76% ქალი ამომრჩეველი. რაც შეეხება კანდიდატებს, პროპორციული საარჩევნო სისტემის საფუძველზე წარდგენილია 63.12% მამაკაცი და მხოლოდ 36.88% ქალი. მაჟორიტარული საარჩევნო სისტემის საფუძველზე კი, წარდგენილი კანდიდატებიდან მხოლოდ 16.30% ქალი.

რაც შეეხება რეგიონს აქ შედარებით ნაკლები ჩართულობაა. რეგიონებში პროპორციული წესით წარდგენილია 36.13% ქალი, 63.87% მამაკაცი; მაჟორიტარული წესით - 15.61% ქალი, 84.39% მამაკაცი.

მიუხედავად იმისა, რომ 2010 წლის მარტში პარლამენტმა მიიღო კანონი „გენდერული თანასწორობის შესახებ“ ქალების ჩართულობა პოლიტიკურ ცხოვრებაში კვლავ მცირეა. ფოთში გამოკითხულ მამაკაცთა უმრავლესობის აზრით, თავად ქალთა ნება არ არის პოლიტიკაში მოსვლა, ნაწილისათვის კი, ქალს სათანადო ძალა და

ხასიათის სიმტკიცე არ გააჩნია. არადა, მამაკაცთა უმრავლესობას ავიწყდება ერთი მარტივი თეორია, რომ ყველა წარმატებული კაცის უკან, ძლიერი ქალი დგას, სწორედ, ქალთა მხრებზე გადის საქართველოს ეკონომიკური სიღუბლე. ქალთა საკითხებზე მომუშავე არასამთავრობო ორგანიზაციები, მიიჩნევენ, რომ საარჩევნო პროცესისადმი ქალების დაბალი ინტერესი, მათი საჭიროებების

გაუთვალისწინებლობით არის გამოწვეული. კერძოდ, ქალ ამომრჩეველთა ნაწილი ფიქრობს, რომ მათი ხმა პრიორიტეტული არ არის; ისინი მეორეხარისხოვანი არიან მამაკაცებთან შედარებით; პოლიტიკა არ არის ქალის საქმე და მათთვის არაფერი შეიცვლება.

გენდერული უთანასწორობის ინდექსის მიხედვით, საქართველო გამოკითხულ 137 ქვეყანას შორის 71-ე ადგილს იკავებს.

სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.



გაუთვალისწინებლობით არის გამოწვეული. კერძოდ, ქალ ამომრჩეველთა ნაწილი ფიქრობს, რომ მათი ხმა პრიორიტეტული არ არის; ისინი მეორეხარისხოვანი არიან მამაკაცებთან შედარებით; პოლიტიკა არ არის ქალის საქმე და მათთვის არაფერი შეიცვლება.

სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.



გამომცემელი და დირექტორი, მთავარი რედაქტორი ინგა გვასალია - 599 341 417; ingagvasalia@gmail.com

რედაქტორი ივეტა პაჭკორია - 597 97 76 18

კორექტორი: მია ჩხეიძე 551 522 429- კორესპონდენტები:

მარიამ ჯავახია - 579 24 11 22

ქეთი ჩუბანი (ფოთი) 598 40 10 23

ივეტა პაჭკორია (ხოზი) 568 61 04 41

გამომცემლებული მასალის შინაარსი შეიძლება არ ემთხვეოდეს რედაქციის თვალსაზრისს. სტატიის ავტორები თავად ავტორები არ არიან ინფორმაციის სიზუსტეზე. რედაქციაში აუდიო მასალები ინახება ორი კვირის განმავლობაში, ამ ვადის გასვლის შემდეგ პრეტენზიები არ მიიღება.

გამომცემლებული მასალის შინაარსი შეიძლება არ ემთხვეოდეს რედაქციის თვალსაზრისს. სტატიის ავტორები თავად ავტორები არ არიან ინფორმაციის სიზუსტეზე. რედაქციაში აუდიო მასალები ინახება ორი კვირის განმავლობაში, ამ ვადის გასვლის შემდეგ პრეტენზიები არ მიიღება.

ფოთში მაჟორიტარულ კანდიდატებსა და პარტიების წარმომადგენლებს შორის დისკუსია გაიმართა

თქალა მახაია ფოთი

ფოთის ცენტრალურ ბიბლიოთეკაში, პროექტის „ქალის ხმა ივებს არჩევნების“ ფარგლებში დისკუსია გაიმართა. დისკუსიაში მონაწილეობისათვის მოწვეულნი იყვნენ მაჟორიტარობისა და მერობის კანდიდატი მამაკაცები, მაგრამ შეხვედრაზე არც ერთი მერობის კანდიდატი გამოცხადდა, რის მიზეზზეც მოახლოებული არჩევნები დაასახელეს. მსგავსი შინაარსის შეხვედრა ადრეც მოეწყო მაჟორიტარობის და მერობის კანდიდატ ქალებთან, რომელიც ფოთის მედიაცენტრის ორგანიზებით გაიმართა. აღნიშნული პროექტი ხორციელდება აღმოსავლეთ-დასავლეთის მართვის ინსტიტუტის (EWMW) ACCESS და ამერიკის შეერთებული შტატების საერთაშორისო სააგენტოს (USAID) მხარდაჭერით.

ფოთის მედიაცენტრის დირექტორის ინგა გვასალიას განმარტებით, ორგანიზაციამ ორი თვის განმავლობაში ამომრჩეველ ქალთა

საჭიროებების იდენტიფიცირებისა და დადგენის მიზნით, საქართველოს 8 რეგიონში გამართა შეხვედრები და დისკუსიები.

ფოთში გამართულ შეხვედრაზე განსაკუთრებული ყურადღება მიექცა შუამ პირებისა და დევნილი ქალების საჭიროებების იდენტიფიცირებას. მოკვლევის შედეგად გამოვლინდა ქალთა სხვადასხვა სახის საჭიროებები. ფოთში მცხოვრებ ყრუთა და სმენადაკარგულთა კავშირის ბენეფიციარებს რამდენიმე სერიოზული საკითხის გადაწყვეტა ესაჭიროებათ - კომუნიკაციის პრობლემა ერთმანეთთან, მათ არ აქვთ ტელეფონის შესაძენი სახსრები. ასევე, ერთ-ერთ მთავარ პრობლემას წარმოადგენს კავშირში თარჯიმნის სიმცირე - მხოლოდ ერთი მამაკაცი თარჯიმანი ჰყავთ, რომელიც ერთდროულად ყველა ბენეფიციარს ვერ ემსახურება. შუამ პირები (ქალები) ითხოვენ ქალი თარჯიმნის დანიშვნას, რადგან არსებობს ისეთი უხერხული საკითხები, რომელზეც მამაკაც თარჯიმანთან ვერ საუბრობენ. კავშირის ბენეფიციარები აღვილობრივ ხე

დასასრული 6-23.

ფოთში ოპოზიციონერი პარტიის წარმომადგენლები სივხში არარსებული ქუჩების გამოჩენას აპროტესტებენ

დასაწყისი პირველი გვერდიდან

კოორდინატორების მეშვეობით აქტიურად მუშაობს სივხის დაზუსტებასა და ხარვეზების აღმოფხვრაზე. გარდაცვლილებების სივხში ყოფნა, უკვე ჩვეულებრივ მოვლენად იქცა და გამოუსწორებელ პრობლემად რჩება. სივხში არიან ისეთი ადამიანები, რომლებიც საერთოდ არ ცხოვრობენ ფოთის ტერიტორიაზე. მეტიც, სივხში გვხვდება ასევე არარსებული მისამართები. ცესკოს ვებგვერდზე აღმოვაჩინეთ, რომ კუნძულის უბანში იყო ორი დანელიას ქუჩა, ერთი ალექსანდრე დანელიასი და ნემორე ამირანის. რეალურად მართლა არსებობს ორი დანელიას ქუჩა ფოთში, თუმცა კუნძულის უბანში ერთია ამირან დანელიას ქუჩა და მეორე პარკის უბანშია სერგი დანელიას ქუჩა, ხოლო ალექსანდრე დანელიას ქუჩა არათუ კუნძულის უბანში არამედ ფოთშიც კი არ არსებობს. არადა რამდენიმე ადამიანი რეგისტრირებულია ალექსანდრე დანელიას ქუჩაზე, ჩვენ ფიზიკურად ვერ ვიპოვეთ სად არის აღნიშნული ქუჩა.

გაყალბების მცდელობაზე საუბრობს მერობის კანდიდატი ოთარ ხარჩილავაძე: „ზოგადი სურათი ასეთია, ამას თუ ვერაინ ხედავს ეს იქნება თვალის დაბნელება. დამატებულია შენობები, ქუჩები, შეცვლილია მისამართები, ეს ყველაფერი პირდაპირ მეტყველებს გაყალბების მცდელობაზე, სხვა მიმართულებას რომინდოდეს აქ პოვნა ვერ ვიპოვი. ეს არის ჭეშმარიტება, რომ ხელისუფლება ემზადება გასააღებლად“ დანარჩენი პოლიტიკური პარტიებიც ანალოგიურ ფაქტებზე საუბრობენ და იმასაც ამატებენ, რომ საოლქო კომისია ამ ხარვეზების არათუ გამოსწორებას აპირებს, საერთოდ არ რეაგირებს ოპოზიციონერთა შენიშვნებზე, იმ არგუმენტის მომხრეებით, რომ ეს საოლქოს მიერ დაშვებული ხარვეზი არაა. აღნიშნულთან დაკავშირებით 70-ე საოლქო საარჩევნო კომისიაში ოფიციალურ კომენტარს არ აკეთებენ.

სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.



მაკა ჯინჯოლია: „კოლიტიკაში მოვლივარ სუფთა ისტორიით,...

თემატიკური

„ნაციონალური პარტიის“ მერობის კანდიდატი მაკა ჯინჯოლია პოლიტიკაში პირველ ნაბიჯებს დგამს და პირდაპირ მერის სავარძლისათვის „შეურთავებელ“ ბრძოლას აპირებს. იგი პროფესიით პედაგოგი გახლავთ და მისი უმთავრესი პრობლემატიკაა ახალგაზრდობის მიგრაციის შეჩერება და ქალაქში მათი დამკვიდრება.

— რამ გადაგაწვევინათ პოლიტიკაში მოსვლა?
— ფოტოს წლების განმავლობაში სხვადასხვა კანდიდატებისგან ბევრი დაპირება ახსოვს, მაგრამ არაფერი გაკეთებულა ქალაქის წინსვლისთვის. როგორც წესი, დაპირება არჩევნების მერე დავიწყებას კიდევოდა. მე არ გაეუბრებინა ცხრა წლიანი მმართველობის პასუხისმგებლობას, მაგრამ ვარ პატიოსანი ადამიანი, სუფთა წარსულით. აქამდე პოლიტიკასთან შეხება არ მქონია. მოვიდვარ განახლებული გუნდით. ქალაქში არის ნეპოტიზმი, ტენდერები სამართლებრივ ჩარევებსა აცდენილი, ხალხის პრობლემების მიმართ ინდიფერენტული მიდგომაა, რაც ტრაგედიაა ჩემთვის. როგორ შეიძლება არ გტკიოდეს, არ გაინტერესებდეს სხვისი ნატიკივარი, გასაჭირი. ამას მივეყვარებ და სასურველად მისცემ.

— ის, რითაც ამაყობთ...
— პედაგოგობა თავისთავად საამაყოა. გარდა იმისა, რომ ვარ საჯარო სკოლის მასწავლებელი, ასევე ვას-

წავლი სხვადასხვა საზოგადოებრივ სკოლაში. ერთ-ერთია ძალიან პრესტიჟული ბაქსეულის საზოგადოებრივი სკოლა. ჩემს მოსწავლეებს ვეხმარები სხვადასხვა პროექტებში მონაწილეობაში, რათა გაიკვლიონ გზა ევროპისკენ. ინგლისური ენის სპეციალისტი ვარ, ვსწავლობდი ამერიკაში, ევროპაში. მინდა ჩემმა მოსწავლეებმაც გამოცდილება საზღვარგარეთაც მიიღონ. ამიტომ ვეხმარები მათ სხვადასხვა კონკურსებში გამარჯვებაში. ერთ-ერთ ასეთ კონკურსზე ჩემმა მოსწავლემ გაიმარჯვა და მალე ლიტვაში მიემგზავრება. ვმუშაობდი არასამთავრობო ორგანიზაციაში „ცენტრი აფხაზეთში“. ჩვენი ორგანიზაციის ბუნეფიციარები იყო დევნილი ახალგაზრდობა, რომლებმაც სრულად უსახიდლოდ ვასწავლიდით ინგლისურ ენას, კომპიუტერულ უნარ-ჩვევებს. ორგანიზაციაში იყო მშვიდობის კორპუსის მოხალისე, რომელთან ერთად ვაკეთებდით ნაბადის მესამე ბაღი. ბაღში შეჩერებული იყო სასწავლო პროცესი სანიტარული ნორმების დარღვევის გამო. ვაკეთებდით პროექტი, დავხარჯეთ 1400 ევრო ზე მეტი და ბაღი ავაშუშავეთ.

— პირველი, რასაც გააკეთებთ, თუ ფოტის მერი გახდებით...
— შეიძლება ჩემი პასუხი ცოტა ბანალურად მოგეჩვენოს, მაგრამ ძალიან მაწუხებს გადასარბილი ქუჩები, მოუწესრიგებელი მიწისქვეშა კომუნალური კაბინები. ჩავატარებ გამოკვლევას ტენდერს, მოვიზიდავ გამოცდილ, კვალიფიციურ მუშახელს, რომელიც ხარისხიანად შეასრულებს სამუშაოს.

იმ ქუჩებზე, სადაც გადათხრილია გზა და შეუძლებელია გადაადგილება, მოვახდენ ხელახალ ასფალტირებას. მიმიმე მდგომარეობაა და სასწრაფო ყურადღებას საჭიროებენ დევნილები. ამასწინათ შეხვედრამქონდა დევნილი მოსახლეობასთან. მათთან საუბარში ძალიან ბევრი პრობლემა გამოიკვეთა - მიმიმე სოციალური ფონი, უმუშევრობა. მათ მე განუმარტე და ვუთხარი, რომ ჩემთვის მთავარი საქმე იქნება მალთაყვის სანაპირო ზოლი, სადაც განხორციელდება ინფრასტრუქტურული სამუშაოები, განდებია სასტუმროები, კომერციული ფართები, რაც საშუალებას მისცემს მათ იშოვონ სამუშაო ადგილი და შეძლონ სოციალური მდგომარეობის გაუმჯობესება. ძალიან დიდ იმედს ვამყარებ მალთაყვაზე.

— მერობის შემთხვევაში, გეგმავთ თუ არა შეჩერებული პროექტების განხორციელებას?
— თუ ეს პროექტი ბევრ სამუშაო ადგილს, კეთილდღეობას, გაუმჯობესებულ ცხოვრებას მოუტანს ქალაქის მაცხოვრებლებს, რატომაც არა - აუცილებლად განხორციელდება. ვაპირებ სამომავლოდ ყველა პარტიასთან თანამშრომლობას. გარდა პრორუსული ძალების მქონე პარტიებისა. მე პირადი დამოკიდებულება მაქვს ამ საკითხთან დაკავშირებით. მოგვხსენებათ, აფხაზეთთან დაკავშირებით ვარ, ომგამოვლილი ბავშვი, რომლის მეხსიერებაში ღრმადაა დაღვივებული ის მტკივნეული პერიოდი. ამიტომ რუსეთი ჩემთვის არის ოკუ-



პანტი ქვეყანა.
— კანდიდატებიდან კონკურენტად ვის მიიჩნევთ?
— კონკურენტად არავის. ეს არ არის ამბიციური განაცხადი. ვფიქრობ, ჩემი ერთ-ერთი სიძლიერე ისაა, რომ პოლიტიკაში მოვიდვარ სუფთა ისტორიით, კონკურენტი კანდიდატებისგან განსხვავებით, რომლებიც წლების განმავლობაში პოლიტიკაში მოღმწეობდნენ.
— ქალი კანდიდატი, რითი განსხვავდება მამაკაცი კანდიდატისგან?
— ამ საკითხის დიფერენცირებაზე არ მიფიქრია. თუმცა, ვფიქრობ, ქალი უფრო მეტ კომპრომისზე წავა, ძალიან დიდხანს იფიქრებს და მიიღებს სწორ და მართებულ გადაწყვეტილებას. მამაკაცები ბუნებით ხისტები არიან, სწრაფად იღებენ გადაწყვეტილებას და ხშირ შემთხვევაში ცდებიან კიდევ.

აკოლონ გარუჩავა: „გამგებულს პრეზიდენტზე მეტი უფლება აქვს თავის გამგეობაში,...

ინტერვიუ

„შენების მოძრაობის“ სენაკის მერობის კანდიდატი აკოლონ გარუჩავა წარმატებული სამშენებლო ბიზნესიდან პოლიტიკაში გადასვლას აპირებს. ეს მისი დებიუტი ნამდვილად არ გახლავთ. გასულ საპარლამენტო არჩევნებშიც მიიღო მონაწილეობა და ხმების გარკვეული რაოდენობაც დააგროვა, თუმცა გასამარჯვებლად საკმარისი არ აღმოჩნდა. ახლა ბედს ადგილობრივ არჩევნებში ცდის და გამარჯვების იმედიც აქვს. როგორც ამბობს, სენაკელები სწორედ მას აირჩევენ თავიანთ მერად.

— რატომ გადაწყვიტეთ ბიზნესიდან პოლიტიკაში გადასვლა?
— გეტყვი, რომ ბიზნესიდან არ წავსუფარ. პარარელურად ჩართული ვარ საქმეში. პოლიტიკაში გადასვლის სხვა მიზეზი რა უნდა იყოს, გარდა იმისა, რომ ჩვენს რაიონში არაფერი გაკეთებულა და არც კეთდება რამე რაიონისა და ხალხის საკეთილდღეოდ. ჩემი ამ გადაწყვეტილების მთავარი მიზეზი და მიზანია, ვემსახურო ჩემს რაიონსა და ხალხს. 9 გამგებელი ჰყავდა სენაკის რაიონს 25 წლის განმავლობაში და მნიშვნელოვანი არაფერი გაკეთებულა.

— კონკრეტულად რას გულისხმობთ, რა არის ის მნიშვნელოვანი, რამაც ასე იმოქმედა თქვენზე და გადაგაწვევინათ პოლიტიკური მოღვაწეობა დაგეწყით?
— ძირითადი საკითხი უმუშევრობაა. დასაქმების პრობლემა მარტო სენაკის მოსახლეობას არ აწუხებს, მართალია, მაგრამ ამ კუთხით ჩვენ ქალაქში არაფერი გაკეთებულა. ასევე ინფრასტრუქტურული პროექტები. სენაკს ძალიან დიდი პოტენციალი აქვს ამ კუთხით. მაგალითად, მენჯის ტერიტორია, რომელიც საბჭოთა კავშირის დროს განთქმული იყო, დღეს განადგურებულია. მოგვხსენებათ, როგორი უნიკალური კურორტი იყო. ნოქა-ლაქვეს უნდა მივცეს ის ისტორიული დანიშნულება, რომელიც რეალურად ეკუთვნის, ახალი სოფლის

მიმდებარედ კოლხეთის ნაკრძალი, რომელიც კოლხეთის ეროვნული პარკის ტერიტორია გახლავთ. აქ შეიძლება ტურისტული ინფრასტრუქტურის განვითარება, ტურისტების მოზიდვა, დაბინავება, გამასპინძლება. ეს გარკვეული შემოსავალი იქნება ჩვენი მოსახლეობისათვის. ძალიან დამაფიქრებელია სოფლის მეურნეობის მიმართ უყურადღებობა. სენაკში ბაგრიბა სრულიად აუთვისებელი სახნავ-სათესი მიწის ფართობები. მეტი კონკრეტისთვის გეტყვით, რომ სენაკში ერთადერთი ადამიანი ვარ, რომელმაც აქცია მოაწყო ფაროსანას გამო. ასევე, ვიმყოფებოდი ზუგდიდშიც, ვითხოვდი დროულ შეწამვლას და ზარალის ანაზღაურებას ისევე, როგორც მოხდა კახეთში და იმერეთში. სტიქიით მიყენებული ზარალი აუნაზღაურეს მოსახლეობას. სამეგრელო კი მივიწყებული და მიგდებულია ხელისუფლების მხრიდან.

— დანარჩენი კანდიდატებისგან რა განსხვავებით, რატომ უნდა დაგიჭიროთ მხარი ამომრჩეველმა?
— გამოიჩინევი საქმის სიყვარულით. ვიცი საქმის კეთება, იხიცი ვიცი, რა უნდა ვაკეთო. მიყვარს ჩემი ქალაქი და ხალხი და გული შემტკივა მათზე. არ ვარ პოლიტიკური ტურისტი, არც პოლიტიკური ყვარყვარე. მაქვს ჩემი პრინციპები. არასოდეს ვთამაშობ პოლიტიკოსობანას, რასაც მიჩვეულია ყველა კანდიდატი 25 წლის განმავლობაში.

— თქვენი გამარჯვების შემთხვევაში რას გააკეთებთ კონკრეტულად, რა არის თქვენი პრიორიტეტები?
— ძალიან ამბიციური საარჩევნო პროგრამა მაქვს. ვეცდები ყველაფერი შევასრულო, მაგრამ მინიმუმ 50% უსიკვდილოდ შევასრულებ. მოვიზიდავ ინვესტორებს. არიან სენაკიდან გადასვლილი ადამიანები, რომლებსაც აქვთ შესაძლებლობა სენაკის განვითარებისთვის ინვესტიცია გაიღონ. განემთრდები და ვიტყვი, რომ სენაკს აქვს ძალიან დიდი პოტენციალი ტურიზმის განვითარების კუთხით - მენჯი, ნოქა-ლაქვე, ახალსოფლის ტერიტორია, ფუნიკულიორი. აქ შესაძლებელია საკურორტო ზონების მოწყობა, სა-

დაც აშენდება 10 სასტუმრო კომპლექსი ტურისტებისათვის, რაც დამატებით შემოსავლს მოუტანს რეგიონს. 2500 ჰექტარი აქვს სენაკს კოლხეთის ეროვნული პარკის ტერიტორიის, ხოლო ფოტის 500, სადაც შეიძლება გაკეთდეს ნაკრძალი.

— ირწმუნებით, რომ რეალურია დაპირება, რომ 100 000 ადამიანისთვის შეიქმნება სამუშაო ადგილი?
— არარეალური ნამდვილად არ არის იმიტომ, რომ წარსულში, კომუნისტების დროს, სენაკში მუშაობდა 6000 ადამიანი ხალიჩების ფაბრიკაში. რა თქმა უნდა, ხალიჩების ინდუსტრია ვერ განვითარდება კვლავ, ყველაზე მეტი სამუშაო ადგილის შექმნა შესაძლებელია წერილ საწარმოებში. უნდა განვითარდეს მცირე ბიზნესი, რასაც ხელისუფლების მხრიდან ხელშეწყობა ჭირდება. ვგეგმავთ, ყველა სოფელში გაიხსნას საცხოვრებელი, აფთიაქი. არის კომპანიები, რომლებიც დაინტერესდებიან ამ პროექტით. იმ შემთხვევაში, თუ ვერ გავიმარჯვე არჩევნებზე, მაინც ვგეგმავ მომავალ წელს ამ პროექტის განხორციელებას, ასევე, ვაპირებ კოოპერატივის გახსნას ყველა სოფელში, რომელიც ჩაიბარებს სოფლის ნაწარმს ქალაქის ფასად, რაც ტრანსპორტის ხარჯებს აარიდებს სოფლების მოსახლეობას.

— როგორ შეძლებთ ადგილობრივი ბიუჯეტის გაზრდას, ან ამ პროექტების განხორციელებას რა თანხებით გეგმავთ?
— უპირველესად, ადმინისტრაციული ხარჯების გამოთავისუფლებით, 4 მილიონ 900 000 გახლავთ „უხარო“ ხარჯი.

— 4 მილიონი არ ეყოფა თქვენი საარჩევნო პროგრამის განხორციელებას...
— გეთანხმებით, 4 მილიონი ნამდვილად არ ეყოფა, მაგრამ მოხდება ზოგიერთ სფეროში კერძო ინვესტორის ჩამოყვანა, მათი ჩართულობა. წინასწარ გეგმებით, რომ 50% შევასრულებ. სენაკში აშენებული მაქვს კომერციული დანიშნულების 12 შენობა. ვგეგმავ, გაიხსნას ფუნქციონირი სრული კომპლექსით. მანდგება ტბა, რომელიც დამშრალია და ვაპირებ მის აღდგენას. ბოტანიკური ბაღი ჩხარის ტერიტორიაზე



ბუნებრივად არსებობს და შეიძლება მისი გალამაზება. ასევე, ტროპიკული კუნძულია ნოქალაქეში, სადაც შეიძლება დასვენება - გართობა მთელი წლის განმავლობაში, ნებისმიერ სეზონზე.

— თუ ასეთი პოტენციალი გააჩნია სენაკს, რატომ არ დაინტერესდნენ ინვესტორები აქამდე?
— საინვესტიციო გარემო გახლავთ ძალიან ცუდი, ამიტომაც არ არის მაღალი ინტერესი, რასაც გამოსწორება ჭირდება.

— ამბობთ, რომ მერად არჩევის შემთხვევაში, ბიზნეს გარემოს უფრო მიმზიდველს გახდით კერძო სექტორისთვის?
— მქონდა პროექტები, რომლის განხორციელებისთვის ჩამოვიყვანე სამი ინვესტორი, მაგრამ გაიტყვენ, რადგან გამგებელთან ვერ შევთანხმდით და ის გარანტიები ვერ მივიღეთ, რომელიც სჭირდებოდა საქმის განხორციელებით. ასევე საინტერესო და მსუყვე სოციალური პროგრამა გვაქვს. პენსიის ზრდა მოხდება არსებული ბიუჯეტით.


— გაიმარჯვებით თქვენ თუ სხვა ოპოზიციური პარტია, სამთავრობო მმართველობაში სხვა პოლიტიკური ძალაა, რომელიც საბოლოო სათქმელს ამბობს ხოლმე. რამდენადაა შესაძლებელი კონსენსუსის მიღწევა ამ ორ ძალას შორის?
— გამგებელს, კანონით, პრეზიდენტზე მეტი უფლება აქვს თავის გამგეობაში. ასე რომ, ეს ჩემთვის პრობლემა არ წარმოადგენს.

მერობის კანდიდატები მოქალაქეთა მიერ დასმულ კითხვებს პასუხობენ



ვახტანგ ღარსხვილიძე

საარჩევნო ბლოკი „აპარაჟი, უბუღა-პეროპული საქართველო“



ეკატერინე ჯიძჯოლავა

საარჩევნო ბლოკი „ერთიანი ნაციონალური მოძრაობა“



ოთარ ხარაიშვილი

საარჩევნო ბლოკი „დემოკრატიული საქართველო“

მიუხედავად იმისა რომ სავადმყოფო კერძოა, ქალაქის ხელმძღვანელობა უნდა დაინტერესდეს შექმნილი მდგომარეობით. უმთავრესი ინვესტორთან და კერძო კომპანიებთან უნდა გეგმავდეს კარგი ურთიერთობა. ქალაქის მერი უნდა შეწყვიტოს ქალაქში არსებული პრობლემების მოგვარებით. მერობის შემთხვევაში ჩემთვის უპირველესი ხალხთან და ინვესტორებთან მოლაპარაკების გზით პრობლემების მოგვარება იქნება.

ჩემი საარჩევნო კამპანიის ფარგლებში ვგეგმავ ქალაქის სავადმყოფოს პერსონალს ვეწვიო და ადგილზე გავეცნო იქ არსებულ პრობლემებს. გამარჯვების შემთხვევაში ვეცდები მოვავარო ეს საკითხი. მე არ მქონია შეხება ადგილობრივ ექიმებთან, მაგრამ ხშირად მსმენია უკმაყოფილო შეფასებები ჩვენი მოქალაქეებისგან. ყველა პრობლემას თავისებური მიდგომა და გადაჭრა სჭირდება. გადაუმოწმებელი ფაქტებით და მხოლოდ გავიხილოთ, შეფასებას ვერ გავაკეთებ. ყველაფრის დეტალური შესწავლა უნდა მოხდეს. მტკნარი სიცრუე იქნება, გავცე დაპირება რომ ერთ წელიწადში ყველა პრობლემას მოვავარებ, ეს არარეალურია, ამას ჭირდება როგორც ფინანსური, ისე ადამიანური რესურსი. ძალიან შრომატევადი პროცესია და მოგვარებასაც ექვემდებარება.

უპირველესად ქალაქს უნდა დაეთმოს დრო და მიექცეს ყურადღება. სავალალო მდგომარეობაა სამედიცინო მომსახურების კუთხით. მედიცინა არა თუ ვითარდება, არამედ რეგრესს განიცდის. ქალაქში არის მედპერსონალი, რომელიც ცარიელ ენთუზიაზმზე მუშაობს ძალიან რთულ პირობებში, რადგან არ არის შესაბამისი აპარატურა და პირობები. აუცილებლად უნდა მოვავარდეს ეს საკითხი ჯანდაცვის სამინისტროსთან მჭიდრო კომუნიკაციით, შესაბამისი ადამიანების ჩართვით. ქალაქში აუცილებელია ნორმალური განვითარებული და თანამედროვე ჯანდაცვის სისტემა.

პირველი და აუცილებელი ეს იქნება საზღვაო სასწავლებლის გახსნა ფოთში. ფოთი საზღვაო ქალაქია და დასაქმებაც ძირითადად ამ კუთხით ხდება, შესაბამისად აუცილებლად უნდა იყოს საზღვაო სასწავლებელი. ნიჭიერი ახალგაზრდებისათვის უნდა იყოს ფასიანი სტაჟირება თვითმართველობაში, თუნდაც მიზერული ხელფასებით. უნდა შეიქმნას წამახალისებელი სისტემა ნიჭიერი მოსწავლეებისა და სტუდენტებისათვის. მათ უნდა მიეცეს ქალაქში დაბრუნების საბაბი. ასევე აუცილებელია ცენტრალური პარკის რეაბილიტაცია, უნდა გაკეთდეს ატრაქციონები მაგრამ რეალური ფასი უნდა იყოს. შშობელს პარკში შვილის შეყვანის არ უნდა ეშინოდეს.

ეს ჩემი საყვარელი საკითხია. ახალგაზრდებთან 2000 წლიდან მაქვს შეხება. საჯარო სკოლის მასწავლებელი ვარ, ინგლისური ენის სპეციალისტი განსაკუთრებით. ვასწავლი სხვადასხვა საზღვაო სკოლაშიც, მათ შორისაა ძალიან პრესტიჟული ბაქსუდის საზღვაო სკოლა. ჩემს მოსწავლეებს ვეხმარები სხვადასხვა პროექტებში მონაწილეობაში, რათა გზა გაიკეთონ უცხოეთში. მერობის კანდიდატად არჩევის შემდეგ გავიგე, რომ ფოთს ბევრ ევროპულ ქალაქთან აქვს მეგობრობის მემორანდუმი გაფორმებული. ვსწავლობდი ამერიკაში, ევროპაში და უამრავი უცხოელი მეგობარი მყავს. მათი დახმარებით აუცილებლად შევძლებ ფოთში რომელიმე ევროპული უნივერსიტეტის ფილიალის გახსნას ჩვენს ქალაქში, სადაც კვალიფიციური კადრები იქნება წარმოდგენილი.

ფოთი საზღვაო ქალაქია და აქ აუცილებლად უნდა იყოს საზღვაო სასწავლებელი. ფოთს ქვეყნის კარიბჭეს უწოდებენ, უნიკალური შესაძლებლობები აქვს და უნდა გამოვიყენოთ. უნდა გაიხსნას ორი უნივერსიტეტის ფილიალი, რაც ფოთს გადააქცევს სტუდენტურ ქალაქად. ეს თავისთავად ნიშნავს მეტ შესაძლებლობებს, მეტ მოთხოვნებს, ქმნის მეტ საცხოვრებელს, კაფე-ბარებს, ავტომატურად ნიშნავს მცირე და საშუალო ბიზნესის განვითარებას. ქალაქში უნიკალური არქიტექტურის დიდი შენობა დგას ე.წ. შიდრომექანიზმების სასწავლებლის, რომელიც სავალალო მდგომარეობაშია. თვითმართველობამ უნდა გადასცეს ჯავახიშვილის უნივერსიტეტს აქ ფილიალის გახსნის უფლებას, დაიღოს ხელშეკრულება, დაარსდეს ფილიალი კეთილმოწყობილი ინფრასტრუქტურით და გარანტირებული იქნება განათლების ხარისხი, იგივე ხარისხის მქონე სერთიფიკატით. სხვანაირად არაფერი გამოვა და ჩამოიშლება. ჩვენ ვფიქრობთ განვითარების საკითხებზე. დროა, ახალი ძალის, სიცოცხლის გაჩენის. ჩვენი გამარჯვების შემთხვევაში მინიმუმ ერთ წელიწადში ან ფილიალი ანაც საზღვაო სასწავლებელი აუცილებლად გაიხსნება. ფოთი უნდა გახდეს სტუდენტური ქალაქი. გამარჯვების შემთხვევაში ჩვენ ახას განვახორციელებთ. სხვანაირად ქალაქს პერსექტივა არ აქვს.



დისკუსია მერობისა და მაჟორიტარობის კანდიდატებთან

ივანე ააქორია ფოთი

სტატია ქვეყნდება “საქართველოს რეგიონული მედიის ასოციაცია” და ასოციაცია “დემოკრატიული აღმოსავლეთის” ერთობლივი პროექტის – “შენი მუნიციპალიტეტი, შენი ხმა” ფარგლებში. ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ზემოთ ჩამოთვლილი ორგანიზაციების პოზიციას. შესაბამისად, “საქართველოს რეგიონული მედიის ასოციაცია” და ასოციაცია “დემოკრატიული აღმოსავლეთი” არ არიან პასუხისმგებლები მასალის შინაარსზე



ლაშა კუჭავა: „საუბნო საარჩევნო კომისიის თავმჯდომარე დითორაშვილს უბალობს ქართულ ოცნებას,....“

ივანე პაჭკორია ფოთი

სენაკში საარჩევნო გარემო, არჩევნებში მონაწილე სუბიექტები როგორც გვეუბნებიან, მშვიდია. მიუხედავად ამის აპოზიციური პარტიები მართველ გუნდს, ადმინისტრაციული რესურსების გამოყენებაში ადანაშაულებენ. ნაციონალური მოძრაობის სენაკის რაიონულმა ორგანიზაციამ გაასაჩივრა „ქართული ოცნების“ კლიპში სენაკის ერთ-ერთი საუბნო-საარჩევნო კომისიის თავმჯდომარის მონაწილეობა. ნაციონალური მოძრაობის სენაკის რაიონული ორგანიზაციის თავმჯდომარე ლაშა კუჭავამ როგორც აღნიშნა ჩვენთან საუბარში: „№38 საუბნო-საარჩევნო კომისიის თავმჯდომარე უშანგი ჩილაჩავა მონაწილეობს „ქართული ოცნების“ საარჩევნო კლიპში, რომელშიც ასევე მონაწილეობენ სხვადასხვა რეგიონის მომდერლები, ერთ-ერთია სწორედ უშანგი. საუბნო-საარჩევნო კომისიის თავმჯდომარე პირდაპირ უმდერის სამთავრობო პარტიას. ამაზე მეტი დარღვევა რა უნდა იყოს? დაეწერეთ საჩივარი სენაკის საოლქოში, მაგრამ 10 დღეა თავი ვერ დაადგეს. რა განხილვა უნდა, როცა ფაქტი სახეზეა – საუბნო კომისიის თავმჯდომარე, რომელიც არჩეულია ცეკოს კვლით, მონაწილეობს წინასაარჩევნო კლიპში, ამის გარდა ფიქსირდება ადმინისტრაციული რესურსების გამოყენების ფაქტები. ჩვენ ინფორმაცია მივაწოდეთ არასამთავრობო და საერთაშორისო ორგანიზაციებს მიმდინარე დარღვევებზე. კონკრეტულად ა(ა)იპის თანამშრომელთა 80% არჩევნებშია ჩართული. ეს ის ადამიანები არიან, რომლებიც ჩვენი ხელისუფლების დროს ჩვენი მხარდამჭერები იყვნენ, დღეს კი „ქართული ოცნების“ მხარდამჭერები გახდნენ. ასევე, საარჩევნო სივრცეში ძალიან ბევრია გარდაცვლილი ადამიანი“. „ნაციონალური პარტიის“ ლიდერი უბნების არაბანაბარ დაყოფაზეც საუბრობს. სენაკში 21 საარჩევნო უბანია გახსნილი. კუჭავას თქმით „ქართულმა ოცნებამ“ უბნები სუსტი და ძლიერი პოზიციების პრინციპით დაყო, რათა მომხრეების ხმებით გადაეფარათ

სუსტი პოზიცია. ამდენად, არაბანაბარ პოზიციაზე აღმოვჩნდით. არის კურიოზული სიტუაციაც - ყველაზე ახლოებული ადამიანები და ნათესავებიც კი ერთდროულად ერთად დგომას და საუბარს. რადგან ყველაზე მინიმუმ სამსახურს დაკარგავენ ისევე, როგორც დაკარგა სამსახური მამაჩემმა, მეუღლემ და ყველა ჩვენი აქტივისტის ოჯახის წევრებმა“.

სენაკის „პატრიოტთა ალიანსის“ საქალაქო ორგანიზაციის თავმჯდომარე როზმან ქამადაძე კი საუბნო კომისიებში თავმჯდომარედ მხოლოდ „ქართული ოცნების“ წევრების არჩევაზე ამხეილებს ყურადღებას: „არც ერთ უბანში კომისიის თავმჯდომარე და მდივანი გარდა „ქართული ოცნების“ წევრებისა, სხვა პარტიის წევრები არ არიან“. ნაციონალურ მოძრაობას სენაკში 13 მაჟორიტარობის და პროპორციული სიის 20 კანდიდატი ყავს, ასევე მერობის კანდიდატი. ნაციონალური მოძრაობისგან განსხვავებით „პატრიოტთა ალიანსი“ მხოლოდ სამი მაჟორიტარი და 16 პროპორციული სიის კანდიდატი ყავს, ხოლო ორმა მაჟორიტარობის კანდიდატმა გაურკვეველი მიზეზებით, რეგისტრაციის გავლიდან მალევე მოხსნა კანდიდატურა. პარტიას არ ყავს მერობის კანდიდატი. ქამადაძის განმარტებით: „მიუხედავად იმისა, რომ საპარლამენტო პარტია ვართ, მაინც ახლგაზრდა პარტიად ვითვლებით. აქტიურად პარტია ამ არჩევნებში ამოქმედდა ჩვენს რაიონში. შემდეგ არჩევნებში პარტია უფრო გაძლიერდება და აქტიურადაც ჩაერთვება“.

რაც შეეხება გენდერული ბალანსის დაცვას, „ნაციონალური პარტიის“ ლიდერის თქმით: „ჩვენ წამოვიყვით გენდერული საკითხი ქვეყანაში და როგორ შეიძლება „ნაციონალურმა მოძრაობამ“ ეს დაარღვიოს. სიის ათეულში 3 ქალი გვყავს და ასევე სამი მაჟორიტარობის კანდიდატი“.

ამ მხრივ საუკეთესო მაჩვენებელი „პატრიოტთა ალიანსაც“ აქვს - პროპორციული სიის 16 კანდიდატიდან 8 ქალია, ხოლო სამი მაჟორიტარი კანდიდატიდან ერთია ქალი. პატრიოტთა ალიანსის ლიდერის თქმით: „ყველა პარტიას, რომ შეშურდება, ისეთი კანდიდატები გვყავს“.

ფოთში მაჟორიტარულ კანდიდატებსა და პარტიების წარმომადგენლებს შორის დისკუსია გაიშალა

დასაწყისი 3- 33.

ლისუფლებას უყურადღებობაში ადანაშაულებენ და ამბობენ, რომ მათგან არანაირი დახმარება არ მიუღიათ. ხელისუფლება ამ კუთხით ბიუჯეტში თანხების გაუთვალისწინებლობას იმიზეზებს. უსინათლოთა კავშირის ბენეფიციარები 30 ლარიანი დახმარების 50 ლარამდე გაზრდას ითხოვენ. მათთვის ყველაზე მნიშვნელოვანია ბრაილის შრიფტის შემსწავლელი კურსების ამოქმედება. ასევე პრობლემურია გადაადგილება მოუწესრიგებელი საფეხმავლო ბილიკებით. პროექტის ფარგლებში, გაიმართა შეხვედრა დევნილთა დასახლებაში მცხოვრებ დევნილ ქალებთან. მათი უპირველესი პრობლემა უმუშევრობის მაღალი დონეა. ქალებმა განსაკუთრებულად ხაზი გაუსვეს დასახლებაში საბავშვო ბაღის საჭიროებას, დასახლებაში ბაღის მშენებლობა მიმდინარეობს, მაგრამ აქ მცხოვრები ბავშვების რაოდენობა გაცილებით მეტია, ვიდრე ჯერ არ აშენებული ბაღი ითვალისწინებს. ბაღი 90 ბავშვზეა გათვალისწინებული, თუმცა დასახლებაში მეტი კონტიგენტი, სკოლის საკითხიც ძალიან აქტუალურია, რადგან სკოლები დასახლებიდან მოშორებით არის განთავსებული და ბავშვებს უჭირთ გადაადგილება, თან ეს დამატებით ხარჯებთანაცაა დაკავშირებული. ძალიან ბევრი პრობლემაა თავმოყრილი ერთ დასახლებაში - არ არის გამართული საკანალიზაციო სისტემა, არ არის საკმარისი რაოდენობის გასართობი მოედნები. ისინი ადგილობრივი ხელისუფლებისგან ითხოვენ ამ საკითხების მოგვარებას. არსებობს კიდევ ერთი - უპატრონო ძაღლების პრობლემა. ეს ძაღლები საშიშროებას უქმნიან არამარტო ბავშვებს, არამედ იქ მცხოვრებ მოსახლეობას მთლიანად.

შეხვედრის მიმდინარეობისას ქალი ამომრჩევლების გააქტიურებაზე და, ზოგადად, ქალის როლის მნიშვნელობაზე ისაუბრეს მაჟორიტარობის კანდიდატებმა. ასევე, გამოკვეთილად ხაზი გაუსვეს ინკლუზიურ გარემოს, შშმ პირების პრობლემებს. წამოიჭრა არაერთი საკითხი ამ თემის გარშემო. ყველა ერთხმად თანხმდება, რომ ქალაქში არ არის შექმნილი ადაპტირებული გარემო, რათა შშმ პირებმა თავი დაცულად და კომფორტულად იგრძნონ. მათ არ აქვთ საკუთარი თავის და შესაძლებლობების გამოვლენის საშუალება. მიუხედავად იმისა, რომ შესაფერი განათლება მიღებული აქვთ, თავის რჩენა უწევთ ფიზიკური შრომით. „ლეიბორისტული პარტიის“ ფოთის ორგანიზაციის ლიდერ მამუკა ხორავას თქმით: „ელემენტარულად ქალაქში არ არის სპეციალური საგზაო ნიშნები, გაჩერებები, არ არის ლიფტური ავტობუსი. როდესაც საკრებულოში შევალთ, ვიზრუნებთ, რომ ქალაქში 2 ლიფტური ავტობუსი მაინც იყოს, რადგან ამ ადამიანებმა თავი გარიყულად არ იგრძნონ.“

„შენების მოძრაობის“ კუნძულის უბნის მაჟორიტარობის კანდიდატი ლევან მაშავა თვლის, რომ ზოგადად პრობლემა საზოგადოების გაუნათლებლობიდან მოდის, არასწორი მიდგომის და კომპლექსების შედეგია ის, რომ გარიყულად და კარნაქტილად ცხოვრობენ სხვა დანარჩენი საზოგადოებრივი.

„ქართული ოცნება- დემოკრატიული საქართველოს“ პროპორციული სიის №8 კანდიდატი ბაქარ ერაგიას თქმით: „ძალიან მნიშვნელოვანი ინფორმაცია მივიღე და აუცილებლად გავითვალისწინებთ სამომავლო საქმიანობაში, პრიორიტეტულად და ეტაპობრივად დავსვამთ ჩვენი პოლიტიკის დღის წესრიგში ამ საკითხის მოგვარებას და მოვავარდნებთ კიდევ“.

შეხვედრას ესწრებოდნენ „სამართლიანი არჩევნების“ რეგიონული წარმომადგენელი თეა შონია და არასამთავრობო ორგანიზაცია „დიოსკურიას“ ხელმძღვანელი ნონა ხუხია.

დისკუსიის დასასრულს მედიაცენტრის მიერ გაიცა რეკომენდაციები კანდიდატებისათვის, როგორ უნდა იმუშაონ სამომავლოდ არსებულ პრობლემურ საკითხებზე მათი არჩევის შემთხვევაში.



ტურისტებისთვის ფოთი მიიზიდველი ხდება

თაქლა მამაკაია ფოთი

ფოთის მუნიციპალიტეტის მერიისა და საკრებულოს გადაწყვეტილებით, 2015 წელს ტურიზმის განვითარების ცენტრი გაიხსნა. ცენტრის გახსნის მიზანი ფრიად ამბიციურია - ფოთის ტურისტული პოტენციალის გამოვლენა, გამოყენება და პოპულარიზაცია გახლავთ. ფოთსა და მის შემოგარენში არსებული ბუნებრივ-გეოგრაფიული გარემო, საკურორტო-გამაჯანსაღებელი, ასევე სპორტულ-გასართობი ატმოსფეროს შექმნის პირობები, მალთაყვის შავიზღვისპირეთის ზოლი, ქალაქში ისტორიულ-კულტურული გარემო ქმნის პერსპექტივას ფოთი გადაიქცეს ტურიზმის მნიშვნელოვან ცენტრად. შეიქმნა ტურიზმის საინფორმაციო ცენტრი, რომელიც ინფორმაციას აწვდის დაინტერესებულ პირებს, ვიზიტორთა ჯგუფებს, ტურისტულ კომპანიებს კონკრეტული ტურების, რუკების და გზამკვლელების შესახებ. ტურიზმის განვითარების ცენტრმა, არაერთ საერთაშორისო ტურისტულ გამოფენაზე განახორციელა ტურიზმის განვითარებისათვის მნიშვნელოვანი პროექტები.

2016 წელს ფოთის ტურიზმის განვითარების ცენტრი დაფინანსდა 149,5 ათასი ლარით. ცენტრში 19 ადამიანი დასაქმებული, მათ შორის სახლგაო-სამაშველო სამსახურისთვის 3 თვის ვადით 12 მასშველის დასაქმებაა გათვალისწინებული. გაფორმდა მემორანდუმი კოლხეთის ეროვნული პარკის ახალ ხელმძღვანელობასთან. 2016 წელს 350 უცხოელი ტურისტი ეწვია ჩვენს ქალაქს. 2017 წლის მაისიდან 2017 წლის ოქტომბრამდე სულ 341 ტურისტი, ძირითადად რუსეთიდან, სტუმრობდა ფოთს. ტურისტები გვეწვივნენ ასევე პოლონეთიდან, ყაზახეთი-



დან, გერმანიიდან. რაც შეეხება ვიზიტორთა გაჩერების ადგილს, ისინი ძირითადად დაბინავებულნი იყვნენ ბათუმში, ურეკსა და ქობულეთში, ასევე კოლხეთის ეროვნული პარკის ტერიტორიაზე. მათი გადაადგილების მარშრუტს წარმოადგენდა მარტვილი, სვანეთი და სამცხე-ჯავახეთის ტერიტორიები.

ფოთში არსებული ტურიზმის განვითარების ცენტრისა და საგანგებო სიტუაციების მართვის „წყალზე სამაშველო“ სამსახურთან ერთად, ფოთის მუნიციპალიტეტის ფინანსური მხარდაჭერით შეიქმნა სანაპირო სამაშველო სამსახური, რომელიც თავისი კომპლექსის ფარგლებში ქალაქის სანაპირო ზოლზე, ზაფხულში განმავლობაში (ივნისი, ივლისი, აგვისტო) ახორციელებდა სამაშველო ღონისძიებებს.

2017 წლის 21 ოქტომბერს მუნიციპალიტეტის საკრებულოსა და თვითმმართველი ქალაქის/თვითმმართველი თემის მერის არჩევნები გაიმართება



ცესკო
საქართველოს საარჩევნო
ადმინისტრაცია

ამომრჩეველთა საყურადღებოდ!

კენჭისყრის დღეს საარჩევნო უბანზე მისვლისას თქვენ გადმოგეცემათ საარჩევნო ბიულეტენები:

- საკრებულოს პროპორციული არჩევნებისთვის (პარტიების, ბლოკების ჩამონათვალი)
- საკრებულოს მაჟორიტარული არჩევნებისთვის (მაჟორიტარი კანდიდატების ჩამონათვალი)
- მერის არჩევნებისთვის (მერობის კანდიდატების ჩამონათვალი)

თითოეულ საარჩევნო ბიულეტენში თქვენ უნდა შემოხაზოთ თქვენთვის სასურველი ერთი საარჩევნო სუბიექტის რიგითი ნომერი

კენჭისყრა იმართება 08.00 საათიდან 20.00 საათამდე



კენჭისყრის შენობაში შესვლისას ნაკადის მომწესრიგებელ კომისიის წევრს წარუდგინეთ პირადობის მოწმობა ან საქართველოს მოქალაქის პასპორტი და გაიარეთ მასთან მარკირების შემოწმების პროცედურა

თუ აღმოჩნდა, რომ გაქვთ მარკირება, არ მოგეცემათ კენჭისყრაში მონაწილეობის უფლება



მარკირების შემოწმების პროცედურის გავლის შემდეგ მიდით სარეგისტრაციო მაგიდასთან და რეგისტრატორს წარუდგინეთ პირადობის მოწმობა ან საქართველოს მოქალაქის პასპორტი

გაიკეთეთ მარკირება

მარკირებაზე უარის თქმის შემთხვევაში არ მოგეცემათ კენჭისყრაში მონაწილეობის უფლება



ამომრჩეველთა სიაში თქვენი გვარის გასწვრივ გააკეთეთ ხელმოწერა

მიიღეთ რეგისტრატორისგან ბეჭდითა და ხელმოწერით დამოწმებული საარჩევნო ბიულეტენები

კენჭისყრის კაბინაში თითოეულ საარჩევნო ბიულეტენში შემოხაზეთ თქვენთვის სასურველი ერთი საარჩევნო სუბიექტის რიგითი ნომერი

თუ დამოუკიდებლად არ შეგიძლიათ შეავსოთ საარჩევნო ბიულეტენი, უფლება გაქვთ, კენჭისყრის კაბინაში დასახმარებლად მოიწვიოთ ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, პრესისა და მასობრივი ინფორმაციის სხვა საშუალების წარმომადგენლისა და დამკვირვებლისა




თუ გაგიფუჭდათ საარჩევნო ბიულეტენი, მიმართეთ საარჩევნო კომისიის თავმჯდომარეს, გადაეცით გაფუჭებული და მოითხოვეთ ახალი საარჩევნო ბიულეტენი

კენჭისყრის კაბინიდან გამოსვლის შემდეგ აიღეთ სპეციალური კონვერტი და დაკეცილი საარჩევნო ბიულეტენები მოათავსეთ მასში სპეციალური კონვერტი მოათავსეთ საარჩევნო ყუთში

კენჭისყრაში მონაწილეობის შემდეგ, გთხოვთ, დატოვოთ საარჩევნო უბანი



საარჩევნო სისტემების განვითარების, რეფორმებისა და სწავლების ცენტრი



ვმუშაობთ შენთვის!

ფოთის ღია პირველობა სხენოსნობაში

15 ოქტომბერს იპოდრომზე გაიმართა საცხენოსნო სასპორტო სკოლის 70-ე წლისთავთან დაკავშირებით ფოთის ღია პირველობა ცხენოსნობაში ვალერიან მაქაცარიას თასზე, რომელშიც მონაწილეობა მიიღეს თბილისის იპოდრომის, ნატახტარის, მუხრანის, კაჭრეთის, ბათუმის, ზუგდიდისა და ფოთის საცხენოსნო სასპორტო სკოლების ნაკრებმა გუნდებმა. გამარჯვებული და საპრიზო ადგილებზე გასული მხედრები დაჯილდოვდნენ დიპლომებით, მედლებითა და თასებით.

- „კონკური-1“
 - I ადგილი - ნიკოლოზ ვეშაბიძე - მუხრანის საცხენოსნო სასპორტო სკოლა
 - II ადგილი - გიორგი კვარაცხელია - ფოთის საცხენოსნო სასპორტო სკოლა
 - III ადგილი - თონა ლაშხია - მუხრანის საცხენოსნო სასპორტო სკოლა
 - „კონკური-2“
 - I ადგილი - კახაბერ კიკიანი - ფოთის საცხენოსნო სასპორტო სკოლა
 - II ადგილი - გიორგი კვარაცხელია - ფოთის საცხენოსნო სასპორტო სკოლა
 - III ადგილი - ნატალია მიშკოვა-ტოტიკოვა - მალთაყვის საცხენოსნო კლუბი
- ვალერიან მაქაცარიას სახელობის თასი გადაეცა კახაბერ კიკიანს.



ფოთის პირველობა შაშუში



14 ოქტომბერს ნანა ალექსანდრიას სახელობის ჭადრაკისა და შაშის კომპლექსურ სასპორტო სკოლის დარბაზში გაიმართა ფოთის პირველობა ჩქაროსნულ ბლიც 64-უჯრიან შაშში საქართველოს მრავალჯგუფის ჩემპიონის, საერთაშორისო დიდოსტატის თენგიზ ბარამიძის თასზე, როგორც უფროსი ასაკის, ასევე საჯარო სკოლის მოსწავლეთა შორის. გამარჯვებული და საპრიზო ადგილებზე გასული მოსწავლეები დაჯილდოვდნენ დიპლომებით, მედლებითა და თასებით.

- უფროსი ასაკის მოსწავლეთა შორის:
- I ადგილი - ალექსანდრე გუბელიძე.
- II ადგილი - ჯუმბერ გულუა.
- III ადგილი - თამაზ ნაჭყებია.
- თენგიზ ბარამიძის სახელობის თასი გადაეცა ალექსანდრე გუბელიძეს.
- საჯარო სკოლების მოსწავლეთა შორის:
- I ადგილი - დათო ხაბურზანია, 1 საჯარო სკოლა.
- II ადგილი - ლუკა კოდუა, 3 საჯარო სკოლა.
- III ადგილი - ლუკა კორკელია, წმინდა ნიკოლოზის სახელობის საგანმანათლებლო საშუალო სკოლა.
- საუკეთესო პარტიისთვის თასი გადაეცა დათო ხაბურზანიას, 1 საჯარო სკოლის მოსწავლეს.

საერთაშორისო ტურნირი კრივში

12-15 ოქტომბერს მესტიის სოფელ ლატალში საქართველოს დამსახურებული მწვრთნელის ალიოშა ჯაფარიძის სახელობის საერთაშორისო ტურნირი კრივში ჩატარდა. მასში ფოთელი მოკრივეებიც ახპარეზობდნენ. შედეგები ასე გამოიყურება:

- დარსალია ლუკა - 36,8კგ - 1 ადგილი (პირადი მწვრთნელი რუბენ ქიქავა)
- საჯაია შალვა - 60კგ - 1 ადგილი (პირადი მწვრთნელი დავით დავითიანი)
- საჯაია გიორგი - 46კგ - 1 ადგილი (პირადი მწვრთნელი დავით დავითიანი)
- ხაეთასი გენო - 44,5კგ - 1 ადგილი (პირადი მწვრთნელი გონა რუსია)
- გუჯაბიძე დავითი - 57კგ - 3 ადგილი (პირადი მწვრთნელი დავით დავითიანი)

რესპუბლიკური ტურნირი თავისუფალ ჭიდაობაში

13-14 ოქტომბერს ქობულეთში ჩატარდა როსტომ მელაშვილის სახელობის რესპუბლიკური ტურნირი თავისუფალ ჭიდაობაში 2002-2005 და 2006-2008 წწ. დაბადებულ ჭაბუკთა შორის. ტურნირზე წარმატებით იასპარეზეს ფოთელმა მოჭიდავეებმა და საპრიზო ადგილები დაიკავეს.

შედეგები ასეთია:

- I - ადგილი - ბესო შელია 29კგ.
- I - ადგილი - ილია გოგატიშვილი 32კგ.
- II - ადგილი - ზვიად ჯაფარიძე 38კგ.
- II - ადგილი - გია გოგატიშვილი 23კგ.
- III - ადგილი - მათე თუნთია 23კგ.
- III - ადგილი - საბა კუმარიტოვი 23 კგ.

<p>გაზეთის ხელმოწერათა საყურადღებოდ!</p> <p>ერთი ნომრის ღირებულება ორგანიზაციებისთვის</p> <p>1 წლით - 50 ლარი</p> <p>6 თვით - 25 ლარი</p> <p>3 თვით - 12,50 ლარი</p> <p>კარდაკარის პრინციპით გაზეთის გამოწერა მოქალაქეებისთვის</p> <p>3 თვით - 6 ლარი</p> <p>იკითხეთ გაზეთი თეატრალური</p>	<p>გაზეთი „მთავარი თემა სამეგრელოში“ სამუშაოდ იწვევს სამეგრელოს რეგიონიდან ყველა ასაკის მქონე ალაშიანებს გაზეთის გამავრცელებლად და სარეკლამო აგენტებად კანდიდატების შერჩევა მოხდება გასაუბრებით. მოგვმართეთ შედეგ მისამართზე: ფოთი ნ.მ. ნინოს ქუჩა 3/19</p> <p>ტელეფონი: 599 34 14 17</p>	<p>გაზეთი „მთავარი თემა სამეგრელოში“ სტაჟირებაზე იწვევს სტუდენტებს, ახალგაზრდებს რომელთაც სურთ მიიღონ გამონდილება ქურნალისტიკაში წარმატებული სტაჟირობები დასაქმდებიან გაზეთში. დაინტერესებულმა პირებმა მოგვმართეთ მისამართზე: ფოთი ნ.მ. ნინოს ქუჩა 3/19</p> <p>ტელ: 599 34 14 17</p>
--	---	--

ინარგვავლეთ გაზეთი „მთავარი თემა სამეგრელოში“ შექმნილი მონაწილეობით, განათავსეთ გაზეთში განსხვავებული რეკლამები, მიღოსვანი. ოჯახის საგლოშიარო განსხვავებული მიღოსვანი- ჩვეულებრივი შრიფტით - ერთი ასო 5 თეთრი, სქელი შრიფტით - 7 თეთრი, პირველ გვერდზე - ორგანიზაციის, სურათიანი განსხვავებული: საგლოშიარო - 15 ლარი, მიღოსვანი - 10 ლარი, არაპოლიტიკური რეკლამა: მესამე გვერდზე - მთლიანი გვ. (100სმ2)-150 ლარი, ნახევარი (500 სმ2) - 75 ლარი; მეოთხედი (250სმ2)- 37.50 ლარი; მეხუთე გვერდზე: მთლიანი გვ. -130 ლარი; ნახევარი - 65 ლარი; მეოთხედი 32.50 ლარი. პირველ გვერდზე რეკლამა ხუთჯერ ძვირია, ვიდრე მესამე გვერდზე, ბოლოზე - სამჯერ ძვირია ვიდრე მესამე გვერდზე. პოლიტიკური რეკლამის ღირებულება ორგანიზაციის მრავალჯერად რეკლამებზე და ხელმოწერაზე გათვალისწინებულია ფასდაკლება. გაზეთის გამოწერის მსურველებმა მიმართეთ სამეგრელოს რეგიონალური გამოსაქირის ოფისს. ქ. ფოთი, ნ.მ. ნინოს ქ.3/ 2 ტელ: 0(493) 22-40-50; 5(99) 34 14 17.

თეატრალური თქვენი პრობლემების კვალდაკვალ

ნიშნით აღნიშნული სტატიები იბეჭდება რეკლამის უფლებით.